

廣德州志卷二十三

典禮志

慶賀  
迎春

祭祀  
風俗

鄉飲

賓興

講約

安上治民莫善於禮其宏綱細目載在古經炳著

大清通禮郡邑既奉行惟謹矣伏遇

昌期嘉會

曠典頻頒皆史冊所未聞爲吏民所快覩自宜備書儀制

敬識

鴻規昔貴與馬氏以聖節上壽爲古無今有之禮鄉相見  
爲古有今無之禮士庶以下冠昏喪祭未嘗有一定之

廣德州志

卷二十三

慶賀

一

禮謂數者本無因革不煩紀錄此非忘其所以爲說也  
亦所遭之時然耳夫彼所稱聖節有能如我

聖上之開八袞而同堂五世乎彼所稱上壽有能如我

盛朝之頌萬年而臚列九賓乎而且鬼神饗德鄉黨引年

農力桑田士遊庠序無一非復古也

省方問俗陳詩觀風而修其教不易其俗齊其政不易其  
宜

帝治無爲而民自安熙皞也則知道隆

皇極百祿是適福備箕疇庶民用錫禮時爲大不信然歟

慶賀

迎奉  
恩詔附

皇太后聖壽節臣民恭賀禮

乾隆三十六年十一月二十五日恭逢

孝聖憲皇后八旬萬壽聖節安徽巡撫接准部文遵奉

諭旨自初八日至二十九日俱穿蟒袍補服其常朝處仍

穿朝服因會同藩臬二司議自二十二日至二十八日

黎明穿朝服率領文武官僚齊赴

萬壽宮坐班其二十五日係

聖母皇太后萬壽正日五鼓卽行慶賀禮州奉憲知照隨

廣德州志

卷二十三

慶賀

二

檄建平縣一體遵行敬設

萬壽宮於忠節坊二十一日詣天壽寺恭迎

龍牌至宮供奉二十二日官僚分文武西坐班至二十

五日五鼓并率紳士鄉耆以次列階下行三跪九叩首

禮丹墀內優人奏普天同慶之曲又設經壇於正誼書

院集僧道諷誦經典七晝夜每日辰刻知州率僚屬拈

香至文武衙門城內各坊命優人奏曲及街市張設燈

綵亦自二十二日至二十八日凡七日

皇上聖壽節臣民恭賀禮

乾隆四十五年八月十三日恭逢

皇上七旬萬壽聖節安徽巡撫接准部文內開禮部咨儀制司呈請穿蟒袍補服一月奉

旨着仍照舊例欽此欽遵舊例於八月初十二十三十四十五十六十七等七日穿蟒袍補服其常朝處仍穿朝服州奉憲知照隨檄建平縣一體遵行謹選天壽寺大殿作朝賀所正中供奉

龍牌兩廊鋪設經壇選集僧人虔誦無量壽經七日每日合州文武官朝服各率僚屬齊赴朝賀所坐班隨詣經

廣德州志

卷二十三

慶賀

三

壇拈香十三日五鼓并率紳士鄉耆行三跪九叩首禮丹墀內優人奏普天同慶之曲文武衙門城內各坊優人奏曲街市張設燈綵亦自初十日至十七日凡七日乾隆五十五年八月十三日恭逢

皇上八旬萬壽聖節安徽巡撫接准部文遵奉

諭旨萬壽慶節所有王公百官應穿蟒袍補服着於八月初一日起至二十一日止欽此州奉憲知照隨檄建平縣一體遵行謹於天壽寺鋪設

壽域正中供奉

龍牌自初一日至二十一日每日黎明合州文武官朝服各率僚屬并紳士鄉耆齊赴天壽寺行禮各官隨分東西坐班十三日五鼓卽行三跪九叩首禮以申釐祝優人於丹墀下奏普天同慶之曲各衙門各坊奏曲張設燈綵並自初一日至二十一日其自初十日至十七日天壽寺兩廊鋪設經壇選集僧人諷誦經典共七日與四十五年同日

案陸游於慶元二年記放生池云重明節放鱗介千計望行在拜手稽首成禮而退重明節者九月四日

廣德州志

卷二十三

慶賀

四

光宗誕辰也本州祝釐故事殆昉此歟然宋室偏安放生事亦非古不足以稱典制也欽惟

皇朝膺圖協泰

孝治光昭

慈甯衍慶

宸極延禧於時動地山呼普天嶽頌甲子譜從絳縣富壽祝自華封斯誠極盛之時非常之典豈區區降輦紫雲開筵花萼所能髣髴其萬一哉

冬至令節朝賀禮

是節前後共三日文武各官俱穿蟒袍補服不理刑名  
正日五鼓各率僚屬穿朝服詣天壽寺

龍牌前分班序列行三跪九叩首禮畢分東西坐班

元旦令節朝賀禮

是節自十二月二十八日至正月初四日共七日文武  
各官俱穿蟒袍補服元旦五鼓各率僚屬穿朝服詣天  
壽寺

龍牌前分班序列行三跪九叩首禮畢分東西坐班

迎奉

廣德州志

卷二十三

慶賀

五

恩詔禮

附

皇朝重熙累洽恭遇舉行

慶典必有

恩詔普頒由本省大僚謄黃刊刻遣官分下州縣齎詔官  
至州知州穿朝服會同文武官僚敬備

龍亭出西郭迎接禮生前導見齎詔官齎詔官卽以詔授  
禮生禮生安詔於亭昇至城門贊眾官跪迎入城贊眾  
官並興抵天壽寺禮生先安

龍亭於正殿引文武官僚至階下東西分列行三跪九叩

首禮讀詔生捧詔登臺禮生贊文武官跪聽宣揚俟宣揚畢再行三跪九叩首禮讀詔生仍納詔於亭禮生贊廣德州知州廣德營都司並詣

龍亭前受詔跪受訖文武官各捧詔鼓樂導歸隨於各衙門及城坊聚集處所敬謹懸貼士民欣躍拜讀

建平縣慶賀以開法寺爲行禮之所儀制悉與州同

祭祀 救護附

壇壝祀禮

風雲雷雨山川壇每歲春秋二仲月上戊日致祭先期致

齋三日不理刑名屆期知州穿朝服會同都司各率其

屬詣南門外恭祭

風雲雷雨山川及城隍之神於壇所

案明史禮志洪武二

雲雷雨諸天神為一壇嶽鎮海瀆及天下山川城隍諸地祇為一壇三年復以陰陽一氣流行無間乃合二壇

為一國朝禮部則例載直省神祇壇祀風雲雷雨居中山川居左城隍居右餘詳壇廟知州為承

祭官引贊生引至盥洗所盥洗畢僉祝文俟鼓三通通

廣德州志

卷二十三 祭祀

七

贊生贊各官就位迎神行三跪九叩首禮並興引贊生

引承祭官升東階至香案前拈香香三上引至 風雲

雷雨神位前一木主贊跪奠帛初獻爵叩興次引至 山

川神位前一木主次引至 城隍神位前一木主儀並同通

贊生贊讀祝文引贊生引承祭官詣讀祝位贊跪通贊

生贊眾官皆跪俟讀祝生讀畢贊叩興通贊生贊眾官

並興引贊生引承祭官降自西階復拜位通贊生贊行

亞獻禮引贊生引承祭官詣各神位前舉亞獻如初獻

儀仍復拜位通贊生贊行終獻禮引贊生引承祭官詣

各神位前舉終獻如亞獻儀通贊生贊飲福受胙引贊  
生引承祭官詣飲福位跪飲福酒受福胙叩興仍復拜  
位通贊生贊徹饌徹訖贊送神再行三跪九叩首禮讀  
祝者捧祝司帛者捧帛恭詣燎所焚祝帛承祭官望燎  
禮畢退班

欽定祝文 贊襄天澤福佑蒼黎佐靈化以流形生成永  
賴乘氣機而鼓盪溫肅攸宜磅礴高深長保安貞之吉  
憑依鞏固實資捍禦之功幸民俗之殷盈仰 神明之

庇護恭修歲祀正值良辰敬潔豆籩祇陳牲帛

乾隆九年頒發

廣德州志

卷二十三

祭祀

八

後並同

祭品 陳設三案每案帛一白爵三尊一羊一豕一豮  
一鉶一籩四豆四簋二簋二

建平縣以知縣爲承祭官儀制並與州同

社稷壇每歲春秋二仲月上戊日祭山川壇畢文武官僚  
並詣西門外恭祭 州社州稷之神於壇所其奠帛三  
獻等儀先社次稷與山川壇祭畧同祭品陳設兩案內  
惟帛用黑色爲異

欽定祝文 奠安九土粒食萬邦分五土以表封圻育三

農而蕃稼穡恭承守土肅展明禋時屆仲秋春敬修祀典

庶丸丸松柏鞏磐石於無疆翼翼黍苗佐神倉於不匱

建平縣知縣亦於是日祭縣社縣稷之神於壇所儀

制同

互詳  
壇廟

謹案乾隆二年爲欽奉

上諭事禮科遵

旨議覆謹照會典內開各省府州縣風雲雷雨山川之神  
共一壇每歲春秋仲月致祭社稷壇每歲上戊日致  
祭等語查直省風雲雷雨山川等壇督撫司道等官

廣德州志

卷二十三 祭祀

九

向因律文未載俱不與祭於典禮殊屬未協嗣後每  
逢祀期省會之地督撫將軍都統副都統率領司道  
文武等官各按品級照例文員列東班武員列西班  
行禮布政司係地方正印官仍令主祭其府州縣地  
方如有提鎮道員亦令各按品級分東西兩班行禮  
府州縣係地方正印官仍令主祭祭祀前期卽令主  
祭之員於教職內派出監禮官二員佐雜內派出監  
視官一員至各壇制度令各直省督撫轉飭該地方  
官將凡應修理之處逐細詳查并各壇祭器或有製

造未備以及歲久損壞者俱如式修理前署州事侯  
茲奉憲知照祭器一新祀禮加肅縣亦如之

先農壇每歲仲春亥日致祭先期致齋二日不理刑名屆  
期知州穿朝服會同都司各率其屬并率耆老農夫詣  
東門外恭祭 先農之神於壇所儀制與祭山川社稷  
等壇同祭畢文武官僚俱換蟒袍知州撩衣扶犁通判  
播種吏目捧種箱司禮生員贊一推至九推推畢設香  
案文武官僚仍加朝服望

闕謝恩行三跪九叩首禮而退

廣德州志

卷二十三 祭祀

十

欽定祝文 肇興稼穡粒我蒸民頌思文之德克配彼天  
念率育之功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願  
五風十雨嘉祥恆沐於 神庥庶幾九穗雙歧上瑞頻  
書於大有

祭品 帛一色白爵三尊一羊一豕一鉶一籩四豆四簋

二簋二

謹案雍正五年爲欽奉

上諭事禮部遵

旨查九卿原議每歲仲春亥日府尹督撫及府州縣衛所等官率所屬之員耆老農夫恭祭先農之神照九卿耕藉之例行九推之禮飭各處地方官一體遵行前知州丁勺曾奉憲知照以州向無祭祀先農之禮每年止祀山川社稷等壇可否照此禮施行詳請指示奉憲准行至今先農壇祭與祭山川社稷等壇無異焉

建平縣向亦未祀先農是年奉州知照遵行

廣德州志

卷二十三

祭祀

十一

厲壇每歲清明節中元節十月朔知州與通判吏目俱穿蟒袍補服致祭先期一日告於城隍之神屆期迎城隍神像於壇上旁設土地位下設鬼棚四張榜招祭無祀鬼神以城隍職掌幽冥故爲是祭之主致祭官向城隍神像前行二跪六叩首禮上香三奠帛連獻三爵俟讀祝畢再行二跪六叩首禮旁向土地一揖徹饌送神焚祝帛禮畢退班

祭品 帛一爵三羊一豕一蔬菓各四

以上陳設城隍神像前

猪首四羹飯

以上設於鬼棚

建平縣知縣率典史致祭邑厲壇儀制與州同

文廟祀禮

至聖先師孔子廟每歲春秋二仲月上丁日行釋奠禮先

期致齋二日不理刑名祭前一日知州率僚屬至明倫

堂演禮觀樂以本年候考歲貢生員代行演畢知州詣泮池側省牲

先設香案贊禮生贊揖上香奠酒省牲揖禮畢退至夜

漏四鼓文武官僚齊穿朝服致祭知州為承祭官學正

訓導為分獻官如遇缺員以通判代佐雜并大小武弁為陪祭官

生員考居優等者隨班行禮先詣

崇聖祠俟鼓三通各就位迎神行三跪九叩首禮並興引

贊生引承祭官詣香案前拈香香三上引詣 肇聖王

位前贊跪奠帛初獻爵叩興次詣 裕聖王位前次詣

詒聖王位前次詣 昌聖王位前次詣 啟聖王位前

俱如前儀畢通贊生贊讀祝文以本年候考歲貢生員讀祝引贊生

引承祭官詣讀祝位跪眾官皆跪俟讀祝畢並興行分

獻禮承祭官獻四配先 顏次 曾次 孔次 孟孫

各奠帛初獻爵分獻官獻五從祀一從東獻 周 程

蔡一從西獻 張 朱並跪奠帛連獻三爵獻畢俱復

拜位通贊生贊行亞獻禮引贊生引承祭官詣

五王位前舉行亞獻繼亞獻四配俱如初獻儀終獻如亞獻儀獻畢復位贊徹饌送神文武各官再行三跪九叩首禮並興讀祝者捧祝司帛者捧帛恭詣燎所焚祝帛承祭官望燎禮畢齊詣官廳承祭官就盥洗所盥洗僉祝文俟鳴鐘鼓畢引贊生引眾官詣

大成殿丹墀下通贊生贊啟戶翊禮生各就位執事者各司其事樂舞生各就位陪祭官各就位分獻官各就位承祭官就位瘞毛血迎神神降參神行三跪九叩首禮

廣德州志

卷二十三

祭祀

十三

是時樂奏咸平之章通贊生贊行初獻禮引贊生引承祭官升東階詣酒尊所司尊者舉冪酌酒執爵者捧爵次引詣香案前上香三次引詣

至聖先師位前贊跪奠帛捧帛者跪進承祭官受帛拱舉贊初獻爵捧爵者跪進承祭官受爵拱舉叩興是時樂奏甯平之章通贊生贊讀祝文樂止引贊生引詣讀祝位贊跪通贊生贊眾官皆跪讀祝畢贊叩興通贊生贊眾官並興行分獻禮樂作引贊生引承祭官詣復聖顏子位前上香三贊跪奠帛初獻爵叩興依次獻宗

聖曾子 述聖子思子 亞聖孟子儀並同是時分獻  
官二員分東西詣 十二哲位前上香三跪奠帛連獻  
三爵叩興並降自西階復位通贊生贊行亞獻禮引贊  
生引承祭官詣

至聖先師位前舉亞獻繼亞獻四配並如初獻儀是時樂  
奏安平之章承祭官復位通贊生贊行終獻禮引贊生  
引承祭官舉終獻並如亞獻儀是時樂奏景平之章其  
兩廡 諸先賢分獻官於承祭官舉亞獻終獻時分東  
西行禮獻畢通贊生贊飲福受胙引贊生引承祭官詣

廣德州志

卷二十三

祭祀

十四

飲福位跪飲福酒受福胙叩興復位贊徹饌樂奏咸平  
之章徹訖樂止贊送神樂奏咸平之章文武各官再行  
三跪九叩首禮讀祝者捧祝司帛者捧帛由中道出恭  
詣燎所焚祝帛承祭官望燎禮畢退班

欽定孔子先代五王祝文 奕葉鍾祥光開神緒盛德之  
後積久彌昌凡聲教所覃敷率尋源而溯本宜肅明禋  
之典用申守土之忱茲屆仲春秋聿修祀事以 先賢顏

氏 先賢曾氏 先賢孔氏 先賢孟孫氏配

欽定文廟祝文 德隆千聖道冠百王揭日月以常行自

生民所未有屬 文教昌明之會正禮和樂節之時辟  
雍鐘鼓咸恪薦於馨香泮水膠庠益致嚴於籩豆茲當  
仲祗率彝章肅展微忱聿將祀典以 復聖顏子

宗聖曾子 述聖子思子 亞聖孟子配

春祭樂章 夾鍾為宮倍應鍾起調

迎神 咸平章 大尺哉凡孔六子五先尺覺上先五知六

與凡天六地上參五萬尺世上之五師五祥五徵上麟

凡紘六韻凡答上金尺絲五日凡月六既尺揭五乾凡

坤六清凡夷尺

廣德州志

卷二十三

祭祀

十五

初獻 甯平章 予尺懷凡明六德五玉上振凡金尺聲上

生六民凡未上有五展凡也六成大五成六俎五豆上千

尺古五春六秋六上五丁六清尺酒上既凡載尺其凡

香六始凡升尺

亞獻 安平章 式尺禮凡莫六愆五升上堂五再凡獻尺

響上協五鼗凡鏞六誠五孚上壘五甗尺肅五肅五雍

六雍六譽凡髦尺斯上彥尺禮上陶五樂凡淑六相五

觀六而凡善尺

終獻 景平章 自尺古凡在五昔六先上民五有凡作六

皮五弁上祭凡菜尺於上論五思六樂凡惟五天上牖  
尺民五惟凡聖上時凡若六彝五倫五攸上敘尺至上  
今五木凡鐸尺

徹饌之咸章平先尺師凡有六言五祭尺則上受尺福五

四凡海尺鬻五宮上疇凡敢六不凡肅尺禮五成上告

尺徹五毋凡疏六毋凡瀆尺樂五所上自凡生尺中五

原六有凡菽尺

送神之咸章平鼻尺繹凡峩六峩五洙上泗尺洋凡洋六

景上行五行五止上流凡澤六無五疆六聿五昭上祀

廣德州志

卷二十三 祭祀

十六

凡事尺祀尺事上孔凡明六化尺我五蒸尺民上育凡

我六膠凡庠尺

秋祭樂章南呂為宮仲呂起調

迎神之咸章平大六哉乙孔上子尺先六覺凡先尺知上

與乙天上地凡參尺萬六世凡之尺師尺祥尺徵凡麟

乙紘上韻乙答凡金六絲凡日乙月上旣六揭尺乾乙

坤上清乙夷六

初獻之甯章平予六懷乙明上德尺玉凡振乙金六聲凡

生上民乙未凡有尺展乙也上大尺成上俎尺豆凡干

六古尺春上秋上上尺丁上清六酒六既乙載六其乙

香上始乙升六

亞獻之安章平式六禮乙莫上愆尺升凡堂尺再乙獻六

響凡協尺鼗乙鏞上誠尺孚凡壘尺甌六肅尺肅尺雍

上雍上譽乙髦六斯凡彥六禮凡陶尺樂乙淑上相尺

觀上而乙善六

終獻之景章平自六古乙在尺昔上先凡民尺有乙作上

皮尺弁凡祭乙菜六於凡論尺思乙樂上惟尺天凡牖

六民尺惟乙聖凡時乙若上彝尺倫尺攸凡敘六至凡

廣德州志

卷二十三

祭祀

十七

今尺木乙鐸六

徹饌之咸章平先六師乙有上言尺祭六則凡受六福尺

四乙海六鬻尺宮凡疇乙敢上不乙肅六禮尺成凡告

六徹尺毋乙疏上毋乙瀆六樂尺所凡自上生六中尺

原上有乙菽六

送神之咸章平鼻六繹乙莪上莪尺洙凡泗六洋乙洋上

景凡行尺行尺止凡流乙澤上無尺疆上聿尺昭凡祀

乙事六祀六事凡孔乙明上化六我尺蒸六民凡育乙

我六膠乙庠六

祭品

崇聖祠五王前各帛一爵三羊一豕一鉶一籩四豆四簋  
二簋二 四配前東西各一案 五從祀前東西各一

案品數並同

至聖先師前筐一盛帛爵三犧尊一先盛酒將獻時用以斟酒於爵象尊一

徹饌時用俎三實以牛一豕一登一實以太羹鉶一實以和羹籩十實以

形鹽蕘魚鹿脯棗栗黍稷豆十實以韭菹芹菹菁菹筍菹醢

簋二實以黍稷籩二實以稻粱

四配前各帛一爵三羊一豕一鉶一籩四豆四簋二簋二

廣德州志

卷二十三

祭祀

十八

十二哲前東西各一案 兩廡東西各一案品數俱與四

配前同

建平縣以知縣為承祭官教諭訓導為分獻官典史

把總為陪祭官儀制並同

至聖先師孔子誕辰八月二十七日文武官僚俱穿蟒袍補服不

理刑名

關帝廟祀禮

勅封忠義神武靈佑大帝關帝廟每歲春秋二仲月禮部

頒吉及五月十三日致祭先期致齋二日不理刑名知

州會同都司詣宰牲所行省牲禮至夜漏五鼓文武官僚齊穿蟒袍補服先詣

啟聖祠行二跪六叩首禮知州爲承祭官引贊生引承祭官詣香案前拈香香三上引詣 光昭王位前贊跪奠帛初獻爵叩興次詣 裕昌王位前次詣 成忠王位前俱如前儀贊讀祝文引承祭官詣讀祝位跪眾官皆跪俟讀祝生讀畢並興承祭官復位贊亞獻如初獻儀贊終獻如亞獻儀獻畢贊徹饌送神文武各官再行二跪六叩首禮禮畢換朝服引贊生引承祭官詣盥洗所

廣德州志

卷二十三

祭祀

十九

盥洗僉祝文俟鳴鐘鼓畢齊詣 大殿丹墀下通贊生贊執事者各司其事陪祭官各就位承祭官就位迎神行三跪九叩首禮並興引贊生引承祭官升東階詣酒尊所司尊者舉鬯酌酒執爵者捧爵次引詣香案前上香三次引詣

關聖大帝位前贊跪奠帛初獻爵叩興通贊生贊讀祝文引贊生引承祭官詣讀祝位贊跪通贊生贊眾官皆跪俟讀祝生讀畢贊叩興通贊生贊眾官並興承祭官復位通贊生贊行亞獻禮引贊生引承祭官舉亞獻如初

獻儀復位贊行終獻禮引舉終獻如亞獻儀獻畢贊徹  
饌徹訖贊送神文武各官再行三跪九叩首禮並興讀  
祝者捧祝司帛者捧帛恭詣燎所焚祝帛承祭官望燎  
禮畢退班

欽定關帝先代三王祝文 世澤貽庥靈源積慶德能昌  
後篤生神武之英善則歸親宜享尊崇之報列王公之  
封爵

錫命優隆合三世以肇禋典章明備恭逢諏吉祇事薦馨  
欽定關帝廟祝文 浩氣凌霄丹心貫日扶正統而彰信

廣德州志

卷二十三 祭祀

二十

義威震九州完大節以篤忠貞名高三國 神明如在  
徧祠廟於寰區靈應丕昭薦馨香於歷代屢徵異績顯  
佑羣生恭值嘉辰遵行祀典筵陳籩豆九奠牲醪

祭品

啟聖祠三王前各帛一爵三羊一豕一鉶一籩四豆四簋  
二簋二

關聖大帝前帛一爵三尊一牛一羊一豕一登一鉶一籩  
十豆十簋二簋二

文昌帝君祀禮

文昌宮每歲春秋二仲月倣照 關帝春秋二祭之例禮  
部頒吉及二月初三日致祭儀注陳設俱與祭

關帝廟同

文昌帝君先代神位儀注陳設與祭

關帝廟後殿同

欽定文昌帝君先代祝文

祭引先河之義禮崇反本之思矧夫世德彌光延賞斯  
及祥鍾累代炯列宿之精靈化被千秋偉人文之主宰

是尊後殿用答前庥

茲值仲春  
恭值嘉辰

肅將時祀用申告潔

廣德州志

卷二十三

祭祀

二十一

神其格歆

欽定文昌帝君祝文

蹟著西垣樞環北極六匡麗曜協昌運之光華屢代垂  
靈爲人文之主宰扶正久彰夫感召薦馨宜致其尊崇

茲值仲春  
恭值嘉辰

用昭時祀尙其歆格鑒此精誠

新  
增

建平縣同

諸神祠祀禮

祠山張大帝廟每歲春秋二仲月上戊日祭山川社稷壇  
畢知州率僚屬穿蟒袍補服致祭至廟各就位迎神行

二跪六叩首禮並興承祭官詣案前拈香香三上跪奠  
帛連獻三爵俟讀祝文畢叩興復位各官再行二跪六  
叩首禮徹饌送神焚祝帛承祭官望燎禮畢退班

祭品 帛一色紅爵三羊一雞一魚一籩四豆四簋一簋

一

案祠山事要紀梁天監五年武帝感蔣山神夢禱雨  
獲應謝以圭璧自是以後歷代遞加封號遣官致祭  
宋列入祀典明太祖定鼎金陵既立廟於雞鳴山之  
陽又歲遣官詣州行香後以擾民罷更爲春秋二祭

廣德州志

卷二十三

祭祀

二十二

至今仍之蓋神之廟祀幾徧江南而廣德爲其發祥  
之地歲時享祀尤加謹焉

龍王廟每歲春秋二仲月辰日知州率僚屬穿蟒袍補服  
致祭儀注與祠山廟祭同

欽定祭文 德洋寰海澤潤蒼生允襄水土之平經流順  
軌廣濟泉源之用膏雨時行績奏安瀾占大川之利涉  
功資育物欣庶類之蕃昌仰藉 神庥宜隆報享謹遵  
祀典式協良辰敬布几筵肅陳牲幣

祭品 帛一色白爵三羊一豕一鉶一籩四豆四簋一簋

一

八蜡廟 劉猛將軍廟每歲正月十三日及冬至後第三  
戊日知州率僚屬穿蟒袍補服致祭儀注祭品並同前  
火神廟每歲六月二十三日文武官僚穿蟒袍補服致祭  
儀注祭品同前

馬王廟各官祭火神畢分詣馬王廟致祭文官祭常平倉  
中廟武官祭三峰樓畔廟儀注同前祭品不用豕以鵝  
代

土地祠每歲二月初二日知州通判吏目穿蟒袍補服詣

廣德州志

卷二十三 祭祀

二十三

儀門外神祠致祭儀注祭品同前

以上諸神祠建平縣亦祭禮同

諸祠祀禮

名宦祠 鄉賢祠 忠義祠 節孝祠每歲春秋二仲月

上丁日釋奠畢知州換蟒袍補服以次致祭每至一祠  
就位行二跪六叩首禮興詣香案前拈香香三上奠帛  
連獻三爵俟讀祝文畢再行二跪六叩首禮而退

欽定忠義孝弟祠祝文 稟賦貞純躬行篤實忠誠奮發  
貫金石而不渝義問宣昭表鄉閭而共式祇事懋彝倫

之大性摯莪蒿克恭念天顯之親情殷棣萼模楷咸推  
夫懿德

綸恩特闡其幽光祠宇維隆歲時式祀用陳尊簋來格几  
筵

欽定節孝祠祝文 純心皎潔令德柔嘉矢志完貞全閨  
中之亮節竭誠致敬彰閭內之芳型茹冰蘖而彌堅清  
操自勵奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊醪  
祭品 每祠各帛一爵三羊一豕一鋤一籩四豆四簠

廣德州志

卷二十三 祭祀

二十四

一簋一

文武二帝祠 四先生祠 鄒公祠 閔公祠 九烈六  
賢祠每歲春秋二仲月上丁日釋奠畢學正訓導換蟒  
袍補服分祭儀注祭品與名宦等祠同

三忠祠 王修撰墓祠每歲三月初三日九月初九日知  
州率僚屬穿蟒袍補服致祭儀注祭品同前

以上諸祠祀禮建平縣少鄒公閔公四先生九烈六  
賢三忠王修撰六祭餘同

附  
救護

救護日月禮視食之時刻爲始終於將食之時知州穿素服會同僚屬并召僧道各十數人齊集大堂丹墀下對日月設香案候時刻至香案供初虧牌陰陽生以報知州詣案前拈香香三上偕僚屬行三跪九叩首禮鼓人跪捧鼓請擊鼓三聲行救護禮知州舉杓者三僧道各舉法器引眾官由階西直下抵儀門旋轉向東而上俟香案供食甚牌陰陽生以報知州偕僚屬再行三跪九叩首禮西下東上如初俟香案供復圓牌陰陽生以報知州乃偕僚屬換朝服仍行三跪九叩首禮而退

都司於本衙門內率僚屬行救護禮悉與文官同 建平縣同

謹案乾隆四十七年八月初十日奉

上諭禮部具題本年八月十五日京師月食百官朝服齊集太常寺行救護禮一本雖係照例具題但日月薄蝕究非經行常度向來朕遇此等事皆於宮中素服拈香行救護禮百官齊集救護亦應素服將事以合奏鼓之義嗣後如遇日月食當應穿朝服之期亦著用素服行禮著爲令 欽此

案 文昌帝君祀禮暨

欽定兩祝文舊志未載今謹增入

廣德州志

卷二十三

祭祀

二十六